

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona na 132. sjednici, održanoj 12.02.2018. godine, na prijedlog Ministarstva unutrašnjih poslova, donosi

ZAKLJUČAK

I

Prihvata se mišljenje Ministarstva unutrašnjih poslova Zeničko-dobojskog kantona dato po inicijativi Udruženja građana Rukometni klub "Čelik" Zenica vezano za izmjenu člana 12. i 14. Zakona o bezbjednosti održavanja sportskih takmičenja u Zeničko-dobojskom kantonu.

II

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/18.
Datum, 12.02.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



Broj: 08-04/1-_____/18.

Datum: 29.01. 2018. godine.

Stručna služba Skupštine Zeničko-dobojskog kantona uputila je ovom ministarstvu inicijativu Udruženja građana Rukometni klub "Čelik" Zenica, za izmjenu člana 12. i 14. Zakona o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06 i 11/07), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Podnesena inicijativa podrazumijeva izmjenu člana 12. i 14. Zakona o bezbjednosti održavanja sportskih takmičenja u Zeničko-dobojskom kantonu, u smislu da se obavezno angažovanje vatrogasnih i kola hitne pomoći za vrijeme sportskih utakmica izuzme za utakmice koje se održavaju u dvoranama kao što su rukomet i košarka, a sve iz razloga što na navedenim utakmicama nema puno gledalaca kao na fudbalskim utakmicama i da na navedenim utakmicama nikada do sada nije bilo incidenta pa je angažovanje kola vatrogasne službe i hitne pomoći apsurd i samo predstavljaju dodatne troškove za klubove koji nemaju tih sredstava. Ministarstvo unutrašnjih poslova Zeničko – dobojskog kantona, ne podržava Inicijativu za izmjenu člana 12. i 14. Zakona o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06 i 11/07) iz razloga što se u pomenutom zakonu ne mogu praviti nikakva izuzeća u pogledu obaveznog prisustva vatrogasnih i kola hitne pomoći na sportskim utakmicama zbog nedostatka novca u klubovima. Obavezno prisustvo vatrogasnih i kola hitne pomoći propisano je iz preventivnih razloga i to ne samo u slučajevima nesportskog ponašanja navijača i njihovog eventualnog povređivanja, već i u slučajevima da dođe do povrede samih igrača čije povrede često mogu biti i životno ugrožavajuće , te da se istima na licu mjesta može pružiti pravovremena pomoć.

Dostavljeno: 2x Naslovu,
1x a/a

S poštovanjem!

M I N I S T A R

Nikola Arsenić